



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sancta Paupertas Religosorum propria sine proprio
Propugnata**

Wissingh, Anton

Coloniæ Agrippinæ, 1700

Ad Lectorem Criticum, seu Monachum pecuniosum.

[urn:nbn:de:hbz:466:1-49625](#)

Insuper, quod paupertas sit quoque Religionis murus, id ipsum clare expressit S. Ignatius Loyola in Summario Constit. Societ. JESU § 23. ubi sic inquit: *Paupertas ut murus Religionis firmus diligenda: et in sua puritate conservanda est, quantum, divina gratia aspirante, fieri poterit h. i.* Et ibidem §. 24. *diligant omnes paupertatem, ut Matrem. h. i.* De qua Matre S. P. N. Franciscus dicere solebat: *Fratres dilectissimi consolamini, nolite diffidere; licet enim Matrem habeamus valde pauperem, scilicet ipsam paupertatem, attamen Patrem habemus valde divitem, ipsum scilicet Deum.*

Itaque non abs re, nec absque causa urgente (utinam nec absque fructu) factum puta, hunc quantulumcumque laborem à me fuisse suscep-
tum: laboravi enim pro nostra Matre, ac Nutri-
ce, pro Religionis nostræ fundamento, & muro:
& quis labor æquè pius, aut plus necessarius? Va-
le, & hujus Matris ubera mecum suge. ♫

Ad Lectorem Criticum, seu Monachum Pecuniosum.

Quoniam prævideo, quod mox in paucis hisce pagellis invenies, quod rodas, quod suggilles, & taxes; respondendo præve-
niam internas obmurmurations tuas. Cur, in-
quis,

quis, tam fusa præambula, approbationes tam longæ, tam multæ, caput tam magnum corpori tam parvo præmittuntur? nonne hoc monstrum est? *Respondeo*: Monachus pecuniosus verè in corpore S. Religionis monstrum est: cui monstruo apparent omnia monstra, inepta, displicentia, exceptò solò illò, quod ipse sapit, quod diligit, quod querit & approbat.

Ut autem tibi respondeam juxta sapientiam tuam, scias, quòd volentibus intelligere, nec hoc corpore, nec hoc capite opus fuisset; at nolentibus intelligere, utpote in hoc ipso monstrosis oportebat caput majus præmittere, ut saltem, dum non possunt rodere materiam, roderent formam: & dum non possunt impugnare veritatem, taxarent constructionem: Nunc vade, non rode, sed veritatem inquirere, & discere mecum connître. De paupertate religiosa controversia erat exilis in materia, sed gravis in pondere: hinc, nisi pondere auctoritatum præmuniretur, apud te semper controverteretur; & nisi condiretur tali antipasto, non saperet tuo palato. Immò intentio mea est, ut, quod est caput, sit & corpus per utrumque enim erudiri potest docilis simplicitas, sed numquam veritati inimica subtilitas.

Sen-